



Inatsisartunut
Anders Olsen

§ 36 imm. 1 tunngavigalugu apeqqummut nr. 2010-79-imut Nanortalimmi eqqagassanik ikuallaasarneq pillugu akissut.

28.04.2010
Sagsnr.
Dok. Nr.

Asasara Anders Olsen

Postboks 1614
3900 Nuuk

Tlf. (+299) 34 50 00

Fax (+299) 32 52 86

E-mail: nnpan@nanoq.gl

www.nanoq.gl

Aallaqqaammut Naalakkersuisunut apeqquteqaatit pillugu qujavunga. Apeqquteqaammi pineqarpoq Nanortalimmi eqqagassalerineq pillugu apeqqut:

Nanortalimmi eqqaavissuaq pinngortitamut inunnullu peqqinnarunnaavissoq iliuuseqarfiginiarneqarpa?

Apeqqutigisanni tunngavilersuutigivat Nanortalimmi eqqakkanik ikuallaasarneq ullutsinnut naleqqutinngitsoq ersarissumik avatangiisinut ajornartorsiutitaasoq. Tamatta isumaqatigiissutigipallassinnaavarput taanna ullutsinnut naleqqutinngimmat. Taamaattumik Eqqagassalerineq pillugu Pilersaarummut missingiusiamik suliaqartoqarnikuuvoq, tassani allaaserineqarluni nuna tamakkerlugu eqqagassalerinermut ullutsinnut naleqquttumik pilersitsinissamut suut pisariaqarnersut. Pilersaarusiaq imminermini arfineq-pingasunik anguniagassanik immikkoortortaqqarpoq. Immikkoortuni ataasiakkaani tamani anguniagassat suliaassallu aalajangersimasut inissitsiternikuupput, kiisalu aningaasatigut allaffissornikkullu sunniutaasussat aamma tamatuma kingunerisaanik avatangiisinut peqqissutsimullu pitsanngoriaatissat nassuiarneqarlutik.

Ullumikkut illoqarfanni annerpaani arfinilinni eqqakkanut ikuallaaveqqarpoq. Illoqarfanni nunaqarfinnilu allani tamani aamma isumatusaartumik ullutsinnullu naleqquttumik ikuallaaviliornikkut aaqqiissutissat ujtarnomissaasa pisariaqarnera Eqqagassalerineq pillugu Pilersaarusiatus missingiusiami erseqqissarneqarput - tamatumaniissaaq Nanortalik ilaalluni.

Ullutsinnut naleqquttumik eqqagassalerisinnaanerup qulakkeerneqarnissaa Naalakkersuisunit pingaartinneqqarpoq. Taamaattumik ullutsinnut naleqquttumik eqqassalerinermik pilersitsinissamut Naalakkersuisut aningaasanut inatsimmik suliaqarnerminni AIS 2011-mut aningaasatigut sunniutaasussat pillugit ilanngussaqqarput.

Eqqagassalerinermut akisussaaffik Namminersorlutik Oqartussat aamma kommunit akornanni agguarneqqarpoq. Kommunit avatangiisit pillugit Peqqussut naapertorlugu eqqagassalerinermut eqqaasarnermullu akisussaanermut pingaarnertut

oqartussaasuupput, Namminersorlutillu Oqartussat qitiusumik oqartussaasutut inatsisit tunngaviliunneqartut pisariaqartut qulakkeertussaavai.

Inatsisit malillugit kommunit eqqaaviit/taakku aaqqissuunneri pillugit pilersitsinermut ingerlatsinermullu akiliuteqartitsisarnikkut aningaasartuutitut aningaasalersuinissamut periarfissaqarput. Eqqagassalerineq pillugu Pilersaarut Inatsisartunut UKA/2008-mi saqqummiunneqartoq naapertorlugu akiliuteqartitsisarnikkut aningaasalersuineq “mingutsitisup nammineq akiliisarnissaanut” periuseq malinneqarpoq .

Inussiarnersumik inuulluaqqusilluta

Anthon Frederiksen